

陳藏器云東海夫人味甘溫無毒主虛羸勞損因產瘦瘠血氣結積腹冷腸鳴下痢腰疼帶下疝瘕久服令人髮脫取肉作臠宜入發石令腸結生南海似珠母一頭尖中銜少毛海人亦名淡菜新注云此名殼菜大甘美南人好食治勞虛傷德精血少者及吐血婦人帶下漏下丈夫久痢並煮食之任意出江湖

田無鬚及煮色白者不可食謹按小者生水田及溝渠中有小毒小兒患赤白遊腫搗碎傳之鮮肉者甚有毒爾

陳藏器云食主五野雞病小兒患赤白遊瘡搗碎傳之煮熱色正赤小兒及雞狗食之脚屈不行江湖中者稍大煮之色白陶云白者殺人非也海中有大者已出拾遺條中以熱飯盛密器中作鮮食之毒人至死

蝮蛇膽味苦微寒有毒主蠱瘡○肉釀作酒療癩疾諸癭心腹痛下結氣除蠱毒其腹中

吞鼠有小毒療鼠瘻

陶隱居云蝮蛇黃黑色黃領尖口毒最烈虺形短而扁毒不異於虺中人不即療多死蛇類甚衆惟此二種及青蛙為猛療之並別有方蛇皆有足五月五日取燒地令熱以酒沃之置中足出術家所用赤連黃領多在人家屋間吞鼠子雀雛見腹中大者破取乾之

唐本註云蛇屎瘻痔瘻器中養取之皮灰療疔腫惡瘡骨疽蛇皮主身痒癩疥癬等蝮蛇作地色鼻反口又長身短頭尾相似大毒一名虺蛇無二種也山南漢沔間多有之禹錫云按蜀本圖經云形龜短黃黑如土色白斑鼻反者山南金州房州均州皆有之

圖經衍義本草卷之三十三

圖經衍義本草卷之三十四

嚴一

宋通直郎辨驗藥材電宗與編撰宋太醫助教辨驗藥材許洪校正

蝮部下品

田中螺汁大寒主目熱赤痛止渴

藥性論云田螺汁亦可單用主治肝熱目赤腫痛取大者七枚洗淨新汲水養去穢泥重換水一升浸洗仍旋取於乾淨器中著少鹽花於口上承取自出者用點目逐箇如此用了却放之

陶隱居云生水田中及湖濱岸側形圓大如梨橘者人亦煮食之煮汁亦療熱醒酒止渴患眼痛取真珠并黃連納其中良久汁出取以注目中多差

唐本注云別錄云殺瘵尸疰心腹痛又主失精水漬飲汁止濕今按陳藏器本草云田中螺煮食之利大小便去腹中結熱目下黃脚氣衝上小腹急硬小便赤澀脚手浮腫生浸取汁飲之止消渴碎其肉傳熱

瘡爛殼燒為灰末服主反胃

陳藏器云在水田中圓大者是小小泥有稜名蝸螺亦止渴不能下水食之當先米泔浸去泥此物至難死有誤泥在壁中三十年猶活能伏氣飲露唯生穿散而出即死爛殼燒為灰末服主反胃胃冷去辛心痛

日華子云田螺冷無毒治手足腫及熱瘡生研汁傳之

禹錫云按蜀本圖經云生水田中大如桃

李狀類蝸牛而尖長青黃色夏月採之


食療云大寒汁飲瘵熱醒酒壓丹石不可常食

聖惠方治連月飲酒咽喉爛舌上生瘡水中螺蚌肉葱豉椒薑煮飲汁三兩蓋差

食醫心鏡方主消渴飲水日夜不止口乾小便數田中螺五升水一斗浸經宿渴即飲之每日一度易水換生螺為妙

又方以水三升煮取汁冷即飲之螺即任喫

貝子



貝子味鹹平有毒主目翳鬼疰蠱毒腹痛下血五癘利水道除寒熱溫症解肌散結熱燒用之良一名貝齒生東海池澤

圖經曰貝子生東海池澤今南海亦有之

貝類之最小者又若蝸狀交州記曰大貝

出日南如酒杯小貝貝齒善治毒俱有紫色是也潔白如魚齒故一名貝齒古人以飾軍容服物今亦稀用但穿與小兒戲髻

頭家以飾鑑帶畫家亦或使研物採無時珂亦似此而大黃黑色骨白可以飾馬

藥性論云貝子使能破五淋利小便治傷寒狂熱

陶隱居云此是今小小貝子人以飾軍容服物者乃出南海燒作細屑末以吹眼中

療翳食又真馬珂擣末亦療昏翳

日華子云貝齒良治翳障并鬼毒蠱氣下血又名白貝

禹錫云按蜀本圖經云蝸類也形若魚齒潔者良

海藥云雲南極多用為錢貨易主水氣浮腫及孩子疳蝕吐乳並燒過入藥中用

聖惠方治射罔在諸肉中有毒及漏脯毒用貝子末水調半錢服效或食麩腫毒亦

同用

孫真人方治食物中毒取貝子一枚含自吐

千金方點小兒黑花眼翳澁痛用貝齒一兩燒作灰研如麩入少龍腦點之妙

又方去目翳貝子十枚燒灰細篩取一胡豆大著翳上卧如炊一石米久乃滅瘼肉者

加真珠與貝子等分

衍義曰貝子今謂之貝齒亦如紫貝但長寸餘故曰貝子色微白有深紫黑者治目中翳燒用北人用之羶帽上為飾又綴衣

或作蹠蹠下垂

石蠶



石蠶味鹹寒有毒主五癆破石淋墮胎肉解結氣利水道除熱一名沙蠶生江漢池澤

圖經曰石蠶生江漢池澤舊注或以為草根生石上似蠶者或以為生氣物猶如海中蠟蛤輩又本經云一名沙蠶沙蠶自是水中細蟲者無定論蜀本草注云此蟲所在水石間有之人取以為釣餌馬胡石間出此最多彼人亦好散之云味鹹小辛今此類川廣中多有之草根之似蠶者亦名石蠶出福州及信州山石上四時常有其苗青亦有節三月採根焙乾主走疰風散血止痛其節亦堪單用搗篩取末溫酒服唐本註云石蠶形似蠶細小有角節青黑色生江漢側石穴中坡隴間亦有北人不

多用採者遂絕爾今隴州採送之

行義曰石蠶謂之為草則繆矣經言肉解結氣注中更辨不定此物在處有附生水石上作絲繭如釵股長寸許以蔽其身色如泥蠶在其中此所以謂之石蠶也今方家用者絕稀此亦水中蟲耳山河中多

雀瓮



雀瓮味甘平無毒主小兒驚癩寒熱結氣蠱毒鬼疰一名躁舍生漢中採蒸之生樹枝間姑音斯音房也八月取

圖經曰雀瓮姑斯房也生漢中木枝上今處處有之姑斯蟻也亦曰戴毛蟲好在石榴木上似蠶而短背上有五色斑刺螫人有毒欲老者口吐白汁凝聚漸堅硬正如雀卵故名之一名雀癩癩瓮聲近耳其

子在瓮中作蛹如蠶之在繭也久而作蛾出枝間葉上放子如蠶子復扁蠱舊注以瓮為蟲卵非也

陶隱居云姑斯蟻也此蟲多在石榴樹上俗為蟻蟲其背毛亦螫人生卵形如雀子大如巴豆今方家亦不用此蟻一作戴切七吏

禹錫云按蜀本注云雀好食之俗謂之雀兒飯瓮

日華子云戴毛蟲窠有毒

衍義曰雀瓮多在棘枝上故又名棘剛子研其間蟲汁灌小兒治癩癩

白花蛇



白花蛇味甘鹹溫有毒主中風濕痺不仁筋脉拘急口面喎斜半身不遂骨節疼痛大風

疥癩及暴風癢痒脚弱不能久立一名塞鼻蛇白花者良生南地及蜀郡諸山中九月十月採捕之火乾


圖經曰白花蛇生南地及蜀郡諸山中今黔中及蘄州鄧州皆有之其文作方勝白

花喜螫人足黔人有被螫者立斷之補養既愈或作木脚續之亦不妨行九月十月採捕之火乾治風速於諸蛇然有大毒頭尾各一尺尤甚不可用只用中斷乾者以酒浸去皮骨炙過收之不復蛀壞

雷公云凡使即云治風元何治風緣蛇性窳即令引藥至於有風疾處因定號之為使凡一切蛇須認取雄雌及州土有蘄州烏蛇只重三分至一兩者妙頭尾全眼不合如活頭上有逆毛二寸一路可長半分已來頭尾相對使之入神後處若得此樣蛇多留供進重二兩三分者不居別處禹錫云按藥性論云白花蛇君主治肺風鼻塞身生白癩風癢癩斑點及浮風癩癧太平廣記曰趙延禧云遭惡蛇所螫處帖

蛇皮便於其上炙之引去毒氣即止衍義曰白花蛇諸蛇鼻向下獨此蛇鼻向上背有方勝花文以此得名用之去頭尾換酒浸三日棄酒不用火炙仍盡去皮骨此物毒甚不可不効也

烏蛇



無毒主諸風癩癧疥癬皮膚不仁頑痺諸風用之炙入丸散浸酒合膏背有三稜色黑如漆性善不噬物江東有黑稍蛇能纏物至死亦是其類生商洛山

圖經曰烏蛇生商洛山在蘄州黃州山中多之背有三稜色黑如漆性至善不噬物多在蘆葦中嗅其花氣亦乘南風而及最難採捕多於蘆葦上得之至枯死而眼不陷稱之重三分至一兩者為上麤大者轉

重力彌減也又頭有逆毛二寸一路可長半分以上來頭尾相對用之八神此極難得也作偽者用它蛇生熏之至黑亦能亂真但眼不光為異耳禹錫云按藥性論云烏蛇味甘平有小毒能治熱毒風皮肌生瘡眉髭脫落癩痒疥等

朝野僉載曰商州有人患大風家人惡之山中為起茅屋有烏蛇墜酒罌中病人不知飲酒漸差罌底尚有蛇骨方知其由也聖惠方治面上瘡及聚易容方用烏蛇二兩燒灰末以臘月猪脂調傅之千金方治耳聾以綿裹蛇膏塞耳中神數衍義曰烏蛇尾細長能穿小銅錢一百文者佳有身長一丈餘者蛇類中此蛇入藥最多嘗於順安軍塘樂堤上見一烏蛇長一丈餘有鼠狼嚙蛇頭曳之而去是亦相畏伏爾市者多為以它蛇熏黑色貨之不可不察也烏蛇脊高世謂之劍脊烏稍

蟻娘



蛭 味鹹寒有毒主小兒驚癇癩癧腹脹寒熱大人癩疾狂易手足端寒肢滿貫脉一名蛭音蛭火熬之良生長沙池澤五月五日取蒸藏之臨用當炙勿置水中令人吐畏羊角石膏

圖經曰蛭生長沙池澤今處處有之其類又多取其大者又鼻高目深者名胡蛭蛭用之最佳五月五日取蒸而藏之臨用當炙勿置水中令人吐小兒疳蟲方多用之蛭心主丁瘡而本經不著唐劉禹錫纂柳州救三死方云元和十一年得丁瘡凡十四日日益篤善藥傳之皆莫能知長藥賈方伯教用蛭心一夕而百苦皆已明年正月食羊肉又大作再用亦如神驗藥性論云蛭使主治小兒疳蟲蝕

陶隱居云莊子云蛭之智在於轉丸其喜入人糞中取屎丸而却推之俗名為推丸當取大者其類有三四種以鼻頭扁者為真

唐本注云別錄云搗為丸塞下部引痔蟲

出盡水差

日華子云能墮胎治疝忤和乾薑傳惡瘡出箭頭其糞窒痔癢出蟲入藥去足炒用葛洪肘後方主箭鏃入骨不可拔者微熬巴豆與蛭並研勻塗所傷處斯須痛定必微痒且忍之待及痒不可忍便撼動箭鏃拔之立出

聖惠方治一切惡瘡及沙蟲弓弩惡疽並治之將蛭十枚端午日收乾者佳杵末油調傳之

外臺秘要方治癰瘍風取塗中死蛭斃杵爛之當皆令熱封之一宿差

子母秘錄方小兒大腸頭得惡瘡癰熱識者取蛭用絞取汁傳其上○又方治小兒重舌燒蛭末和唾傳舌上

劉涓子方治鼠癩死蛭燒作灰為末苦酒和傳之數過即愈先以鹽湯洗

衍義曰蛭大小二種一種大者為胡蛭身黑光腹翼下有小黃子附母而飛行晝不出夜方飛出至人家庭戶中見燈光則來一種小者身黑暗晝方飛出夜不出今當用胡蛭其小者研三十枚以水灌牛馬治脹結絕佳狐遇而必盡食之

五靈脂

五靈脂



五靈脂 味甘溫無毒主療心腹冷氣小兒五疳辟疫治腸風通利氣脉女子月閉出北地此是寒號蟲糞也

圖經曰五靈脂出北地今惟河東州郡有之云是寒號蟲糞色黑如鐵採無時然多夾沙石絕難修治若用之先以酒研飛鍊

令去沙石乃佳治傷冷積聚及小兒女子方中多用之今醫治產婦血暈昏迷上衝悶絕不知人事者五靈脂二兩一半炒熟一半生用搗為細末每服一錢溫熱水調下如口噤者以物乾開口灌之入喉即愈謂之獨勝散又治血崩不止五靈脂十兩搗為細末以水五大盞煎至三盞去滓澄清再煎為膏入神麴末二兩合和丸如梧桐子大每服二十九丸溫酒下空心服便止諸方用之及多

禹錫云今據號蟲四足有肉翅不能遠飛所以不入禽部經驗方治丈夫婦人吐逆連日不止粥食湯藥不能下者可以應用此候效摩丸五靈脂不夾土石揀精好者不計多少搗為細末研狗膽汁和為丸如雞頭大每服一丸煎熟生薑酒摩令及細更以少生薑酒化以湯湯藥令極熱須是先做下粥溫熱得所左手與患人藥喫不得漱口右手急將粥與患人喫不令太多

經效方治婦人心痛血氣刺不可忍失笑散五靈脂淨好者蒲黃等分為末每服二錢用好醋一杓熬成膏再入水一盞同煎至七分熱服立效○又方治婦人經血不止五靈脂末炒令過熱出盡煙氣每服大兩錢用當歸藏一兩片酒一中盞與藥末同煎至六分去滓熱服連三五服效

衍義曰五靈脂行經血有功不能生血常有人病眼中翳往來不定如此乃是血所病也蓋心生血肝藏血肝受血則能視目病不治血為背理此物入肝最速一法五靈脂二兩沒藥一兩乳香半兩川烏頭一兩半炮去皮同為末滴水丸如彈子大每用一丸生薑溫酒磨服治風冷氣血閉手足身體疼痛冷麻又有人被毒蛇所傷良久之間已昏困有老僧以酒調藥二錢灌之遂蘇及以藥滓塗咬處良久復灌二錢其毒皆去問之乃五靈脂一兩雄黃半兩同為末止此耳後有毒者用之無不驗此藥雖甚貴然亦多有偽者

蠍



味甘辛有毒療諸風癢疹及中風半身不遂口眼喎斜語澁手足抽掣形緊小者良出青州者良

圖經曰按舊蠍舊不著所出州土注云出青州者良今京木西及河夾州郡皆有之採無時用之欲緊小者今人捕得皆火逼乾死收之方書謂之蜘蛛陶隱子集驗方云蠍有雌雄雄者擊人痛止在一處雌者痛牽諸處若是雄者用并泥傳之濕則易雌者當用瓦屋溝下泥傳之治中風抽掣手足及小兒驚搐方多用蠍篋中方治小兒風癩取蠍五枚以一大石榴割頭去子作窠子樣內蠍其中以頭蓋之紙根和黃泥封裹以微火炙乾漸加火燒令通赤良

久去火待冷去泥取中焦黑者細研乳汁調半錢七灌之更定與稍大則以防風湯調服之

禹錫云按蜀本云蠍緊小者名蜉蝣段成式酉陽雜俎云鼠負蟲巨者多化為蠍蠍

子多負於背嘗見一蠍負十餘子子色猶白才如稻粒陳州古倉有蠍形如錢螫人必死江南舊無蠍開元初嘗有主簿竹筒盛過江至今江南往往有之俗呼為主簿蟲蠍常為蝸所食先以跡規之不復去蠍前謂之螫後謂之蠍

經驗方治小兒驚風用蠍一箇不失頭尾薄荷四葉裹合火上炙令薄荷焦同碾為末作四服湯下大人風涎只一服杜壬方治耳聾因腎虛所致十年內一服愈蠍至小者四十九枚

蠍大四九片二物銅器內並作一服初古酒至醉

衍義曰蠍

可闕也有用全者有只用稍者稍力尤功今青州山中石下捕得慢火逼或烈日中煦蠍渴熱時乃與青泥食之既滿復以火逼殺之故其色多赤欲其體重而售之故也醫家用之皆悉去土

蝮



蝮 上音婁 下音姑 味鹹寒無毒主產難出肉中刺潰癰腫下噎壹解毒除惡瘡一名蝮蝮一名天蝮一名蝮蝮生東城平澤夜出者良夏至取暴乾

圖經曰蝮蝮生東城平澤今處處有之穴

人夜行忽見

自腰以後甚利主下

大小便若出拔刺多用其腦此一名蝮爾雅云蝮天蝮夏小正篇云三月蝮則鳴是也廣雅云一名碩鼠易晉如碩鼠孔穎達正義云有五能而不能成技之蟲也又引蔡邕勸學篇云碩鼠五能不能成一技術

注云能飛不能過屋能緣不能窮木能游不能度谷能穴不能掩身能走不能免人荀子云梧鼠五技而窮並為此蝮蝮也今方家治石淋導水用蝮蝮一枚鹽二兩同於新瓦上鋪蓋焙乾研末溫酒調一錢七服之即愈

陶隱居云以自出者其自腰以前甚澁主止大小便從腰以後甚利主下大小便若出拔刺多用其腦此物頗叶神鬼昔人獄中得其蝮力者令人夜忽見出多打殺之言為鬼所使也

禹錫云按蜀本注云爾雅曰蝮天蝮是也

圖經云夏至取今所在有日華子云蝮有毒治惡瘡水腫頭面腫入藥炒用之

雷公云味鹹無毒

聖惠方十種水病腫滿喘促不得卧螻蛄五枚乾為末食前湯調半錢七至一錢小便通效

外臺秘要方治鯁螻蛄腦一物吞亦治刺不出傳之刺即出

孫真人方治箭鏃在咽喉胃膈及針刺不出以螻蛄搗取汁滴上三五度箭頭自出

衍義曰螻蛄此蟲當立夏後至夜則鳴月令謂之螻蟬鳴者是矣其聲如蚯蚓此乃是五技而無一長者

是五技而無一長者

鱖鯉甲

微寒主五邪驚啼悲傷燒之作灰以酒或水和方寸七療蟻瘻

圖經曰鱖鯉甲舊不著所出州土今湖嶺



及金商均房間深山大谷中皆有之似鼯而短小色黑又似鯉魚而有四足能陸能水中日出岸開鱗如死令蟻入中蟻滿便閉而入水蟻皆浮出因接而食之故主蟻瘻為最亦主惡瘡疥癩燒其甲末傳之楊

炎南行方主山瘡瘡有鯁鯉甲湯今人謂燒穿山甲近醫亦用燒灰與少肉豆蔻末飲調下療腸痔疾又治人疥疼痛不可忍

用穿山甲炙黃木通各一兩自然銅半兩主用三味搗為細末每服三錢溫酒調下

不計時候

藥性論云鱖鯉甲使有大毒治山瘡瘡惡瘡燒傳之

陶隱居云其形似鼯而短小又似鯉魚有四足能陸能水出岸開鱗甲伏如死令蟻入中忽閉而入水開甲蟻皆浮出於是食之故主蟻瘻方用亦稀惟療瘡癩及諸症疾爾

禹錫云按蜀本圖經云生深大山谷中金房均等州皆有之

日華子云涼有毒治小兒驚邪婦人鬼魅悲泣及痔漏惡瘡疥癩

千金翼方治蟻漏取鯁鯉甲二十七枚末猪膏和傳之

簡要濟眾方治產後血氣上衝心成血暈穿山甲一兩童子小便浸一宿取出熨火

炙令黃為末每服一錢狗膽少許熱酒調下非時服之

外臺秘要方肘後治蟻入耳燒鯁鯉甲末以水調灌之即出

衍義曰鯁鯉甲穴山而居亦能水燒一兩存性肉豆蔻仁三箇同為末米飲調二錢服治氣痔膿血甚者加蝟皮一兩燒入中病即已不必盡劑

芫青



芫青 味辛微溫有毒主蠱毒風症鬼疰墮胎三月取暴乾

圖經曰芫青本經不載出州土今處處有之其形頗與斑猫相類但純青綠色背上一道黃文尖喙三四月芫花發時乃生多就花上採之暴乾凡用斑猫芫青亭長之類當以糯米同炒看米色黃黑即為熟便出之去頭足及翅翼更以亂髮裹之挂屋東榮一宿然後用之則去毒矣

陶隱居云芫花時取之青黑色亦療鼠瘻禹錫云按蜀本圖經云形大小如斑猫純青綠色今出寧州

雷公云芫青斑猫亭長赤頭等四件一樣各不同所居所食所效各不同其芫青背尖背上有一畫黃斑猫背上一畫黃一畫黑背尖處小點亦在豆葉上居食豆葉汁亭長形黑黃在蔓葉上居食蔓膠汁赤頭額上有大紅一點身黑用各有處凡修事芫青斑猫亭長赤頭並用糯米小麻子相拌同炒待米黃黑出去麻子等去兩翅足

并頭用血餘裏懸於東墻角上一夜至明取用

蠹



蠹 味甘寒無毒主小兒赤氣肌瘡臍傷止痛氣不足一名長股生水中取無時

圖經曰蠹本經不載所出州土云生水中今處處有之似蝦蟇而背青綠色俗謂之青蠹外有背作黃文者人謂之金線蠹陶隱居云蜂蟻蠹蠹其類最多大腹而脊青者俗名土鴨其鳴甚壯即爾雅所謂在水曰蠹者是也黑色者南人呼為蛤子食之至美即今所謂之蛤亦名水雞是也閩蜀浙東人以為珍饈彼人云食之補虛損尤宜產婦即此也陶隱居云凡蜂蟻蠹蠹其類最多大而青

脊者俗名土鴨其鳴甚壯又一種黑色南人名為蛤子食之至美又一種下形善鳴喚名蠹子此則是也禹錫云按蜀本注云蝦蟇屬也居陸地青脊善鳴聲作蠹者是

日華子云青蠹性冷治小兒熱背有黃路者名金線殺尸疰病蠹去勞劣解熱毒身青綠者是也千金方主小兒赤氣

衍義曰蠹其色青腹細背尖後肱長故善躍大其聲則曰蛙小其聲則曰蛤月令所謂雀入大水化為蛤者也唐韓退之詩一夜青蛙啼到曉者是此食之性平解勞熱

蜻蛉



蜻蛉 上音青微寒強陰上精下音零

圖經曰蜻蛉舊不載所出州郡今所在水際多有之此有數種當用青色大眼者為良其餘紅赤及黑色者不入用俗間正名蜻蛉而不甚須也道家則多用之

陶隱居云此有五六種今用青色大眼者

一名諸乘俗呼胡喇道家用以止精眼可化為青珠其餘黃細及黑者不入藥用一名蜻蛉

禹錫云按蜀本注云蜻蛉六足四翼好飛溪渠側

日華子云蜻蛉涼無毒壯陽煖水藏入藥去翼足妙用良

衍義曰蜻蛉其中一種最大京師名為馬大頭者是身綠色雌者腰間一遭碧色用則當用雄者陶隱居以謂青色大眼一類之中元無青者眼一類皆大此物生化於水中故多飛水上唐杜甫云點水蜻蜓款款飛

鼠婦



鼠婦 味酸溫微寒無毒主氣癱不得小便婦

人月閉血痕癩瘥寒熱利水道一名負燔音煩一名伊音威一名蟪音威生魏郡平谷及人家地上五月五日取

圖經曰鼠婦生魏郡平谷及人家地上今處處有之多在下濕處窰器底及土坎中

常惹著鼠背故名鼠負今作婦字謬耳爾雅云蟪鼠負郭璞云窰器底二又云伊蟪

委黍詩東山云伊蟪在室鄭箋云此物家無人則生然本經亦有此名是今人所謂

濕生蟲者也五月五日取古方有用者張仲景主久癱大鼈甲丸中使之以其主寒熱也

陶隱居云一名鼠負言鼠多在坎中背則負之今作婦字如似乖理又一名鼠姑

日華子云鼠婦蟲有毒小便能墮胎

千金方治產後小便不利鼠婦七枚一味熬為屑作一服酒調下
衍義曰鼠婦此濕生蟲也多足其色如蚱背有橫紋蹙起大者長三四分在處有之埽堯及下濕處多用處絕少

衣魚



衣魚 味鹹溫無毒主婦人疝瘕小便利小兒中風項強也上聲背起摩之又療淋墮胎塗瘡滅癩一名白魚一名蟬音談生咸陽平澤

圖經曰衣魚生咸陽平澤今處處有之衣中乃少而多在書卷中爾雅所謂蠹潭尋

兩音白魚郭璞云衣書中蟲一名蛎魚是也段成式云補闕張周見壁上瓜子化為

白魚因知列子朽瓜為魚之言不虛也古方主小兒淋閉取以摩臍及小腹溺即通

方主小兒淋閉取以摩臍及小腹溺即通

又合鷹屎蠶同傳瘡癩即滅今人謂之壁魚俗傳壁魚入道經函中因蠹食神仙字則身有五色人能得而吞之可致神仙唐張湯之少子惑其說乃多書神仙字碎剪置瓶中取壁魚投之冀其蠹食而不能得遂致心疾兩音

禹錫云按藥性論云衣中白魚以有毒利小便

千金方治沙石草落目中眯不出白魚以乳汁和注目中

外臺秘要方主眼醫白魚末注少許於腎中

孫真人方卒患偏風口喎語澁取白魚摩耳下喎向左摩右向右摩左正即正子母秘錄方治婦人無故遺血溺衣中白魚三十箇納陰中

衍義曰衣魚多在故書中久不動帛中或有之不若故紙中也身有厚粉手搗之則落亦嚙毳衣用處亦少其形稍似魚其尾又分二歧世用以滅癩痕

甲香



甲香 味鹹平無毒主心腹滿痛氣急止痢下淋生南海

圖經曰甲香生南海今嶺外間中近海州郡及明州皆有之海蟲之掩也南州異物志曰甲香大者如甌面前一邊直攬長數寸圍殼痘蛭有刺其掩雜衆香燒之使益芳獨燒則臭一名流螺諸螺之中流最厚味是也其蟲大如小拳青黃色長四五寸人亦斃其肉今醫方稀用音螺

唐本注云蟲大如小拳青黃色長四五寸取燻燒灰用之南人亦煮其肉斃亦無損益也

海藥云和氣清神主腹風癩痔陳氏云至甲疽瘰癧蛇蠍蜂螫疥癬頭瘡噉甲煎

口脂用也廣州記云南人常食若龜鼈之類又有小甲香若螺子狀取其帶而修成也

衍義曰甲香善能管香煙與沉檀龍麝用之甚佳

金蛇 無毒解生金毒人中金藥毒者取蛇四寸炙令黃煮汁飲頻服之以差為度大如中指長尺許常登木飲露身作金色照日有光亦有銀蛇解銀藥毒人中金毒候之法合瞑取銀口中含至曉銀變為金色者是也令人肉作雞脚裂生賓澄州

圖經曰金蛇出賓州大如中指長尺許常登木飲露體作金色照日有光能解金毒亦有銀蛇解銀毒今不見有捕得者而信州上饒縣靈山鄉出一種蛇酷似此彼人呼為金星地鱗冬月收捕之亦能解衆毒止瀉洩及邪熱

馬陸 味辛溫有毒主腹中大堅癥破積聚息肉惡瘡白禿癩寒熱痞結脇下滿一名百足一名馬軸生玄菟川谷

陶隱居云李云此蟲形長五六寸狀如大
蚤夏月登樹鳴冬則蟄今人呼為飛蛇蟲
也恐不必是馬陸爾今有一細黃蟲狀如
蜈蚣而甚長俗名土蟲雜食之醉悶亦至
死書云百足之蟲至死不僵此蟲足甚多

寸寸斷便寸行或欲相似方家既不復用
市人亦無取者未詳何者的是

唐本注云此蟲大如細筆管長三四寸斑
色一如蚰蜒襄陽人名為馬蛇亦呼馬軸
亦名刀環蟲以其死側卧狀如刀環也有
人自毒服一枚便死也

衍義曰馬陸即今百節蟲也身如槎節節
有細感紋起紫黑色光潤百足死則側卧
狀如刀環也長二三寸尤者麤如小指西
京上陽宮及內城甌墻中甚多入藥至鮮

地膽 味辛寒有毒主鬼疰寒熱鼠癭惡瘡死
肌破癥瘕墮胎蝕瘡中惡肉鼻中息肉散結
氣石淋去子服一刀圭即下一名阮青一名
蛙鳴 蝮生汶山川谷八月取惡甘草
藥性論云地膽能宜出癰癭根從小便出

上亦吐之治鼻塞

陶隱居云真者出梁州狀如大馬蚊有翼
偽者即斑猶所化狀如大豆大都療體累
同必不能得真爾此亦可用故有蛇青之
名蛇字乃異恐是相承誤矣

唐本注云形如大馬蟻者今見出邠州者
是也狀如大豆者未見也

禹錫云按蜀本圖經云二月三月八月九
月草葉上取之形倍黑色芫青所化也

白 味鹹平無毒主目中醫斷血生肌貝類也
大如鮫皮黃黑而骨白以為馬飾生南海取
無時

海藥云謹按名醫別錄云生南海白如蚌
主消腎膜及筋弩肉並刮點之此外無諸
要用也

雷公云要冬採得色白二者并有白旋水
紋勿令見火立無用處夫用以銅刀刮作
末子細研用重絹羅篩過後研千餘下用
此物不入婦人藥中用

火 味辛微溫無毒主明目小兒火瘡傷熱

氣蠱毒鬼疰通神精一名夜光一名放光一
名熠燿下以切切一名即昭昭生階地池澤
七月七日取陰乾

陶隱居云此是腐草及爛竹根所化初猶
未如蟲腹下已有光數日便變而能飛方

術家捕取納酒中令死乃乾之俗藥用之
亦稀

海螺 百一云治目痛累年或三四年方取
生螺一枚洗之內燥抹螺口開以黃連一枚
納螺口中令其螺飲黃連汁以綿注取汁著
皆中

孫真人合藥食治心痛

海月 味辛平無毒主消渴下氣令人能食利
五臟

獨脚蜂 所用同前似小蜂黑色一足連樹根
不得去不能動搖五月採取出嶺南又有獨
脚蟻功用同蜂亦連樹根不能動搖出嶺南

飛生蟲 無毒令人易產取角臨時執之亦得
可燒末服少許蟲如鬻髮頭上有角

兩頭蛇 見之令人不吉大如指一頭無目無

口二頭俱能行出會稽人云是越王弩弦昔孫叔敖埋之恐後人見之將必死也人見蛇足亦云不佳蛇以桑薪燒之則足出見無可怪也

圖經衍義本草卷之三十四

圖經衍義本草卷之三十五

嚴二

果部上品

豆蔻

宋通直郎辨驗藥材冠宗與編撰
宋太醫助教辨驗藥材許洪校正



豆蔻 味辛溫無毒主溫中心腹痛嘔吐去口臭氣生南海

圖經曰豆蔻即草豆蔻也生南海今嶺南皆有之苗似蘆葉似山薑杜若葷根似高良薑花作穗嫩葉卷之而生初如芙蓉穗頭深紅色葉漸展花漸出而色漸淡亦有黃白色者南人多採以當果實尤貴暴乾者煎湯服之極能除冷氣止霍亂消酒食毒甚佳

藥性論云草豆蔻可單用能主一切冷氣

陶隱居云味辛烈者為好甚香可常含之其五和糝中物皆宜人廉薑最溫中下氣益智熱枸櫞溫甘蕉麋目並小冷爾○糝音鹿音切音鹿音唐本注云豆蔻苗似山薑花黃白苗根及

子赤似杜若枸櫞性冷陶云溫誤爾今注比草豆蔻也下氣止霍亂

日華子云豆蔻花熱無毒下氣止嘔逐除霍亂調中補胃氣消酒毒○又云山薑花暖無毒調中下氣消食殺酒毒

禹錫云按蜀本圖經云苗似杜若春花作穗端乃芙蓉四房生於莖下白色花開即黃根似高良薑實若龍眼而無鱗甲中如石榴子莖葉子皆味辛而香十月收今苑中亦種之

海藥云豆蔻生交趾其根似益智皮殼小厚核如石榴辛且香藥草樹也葉如芫蘭而小三月採其葉細破陰乾之味近苦而有甘

千金方治心腹脹滿短氣以草豆蔻一兩